



SULEQATIGIISITSISUT
SAMARBEJDSPARTIET

Aggustip 24-at 2018

UKA2018/82

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Maannakkut ineqarnermut tapit pillugit malittarisassani isertitat tunngaviusarneri pinngitsoorani ilumut inunnut aningaasatigut pisariaqartitsinerpaaginnarnut atuunnersut pillugit allaaserinninnertalimmik misissuinerinnertalimmillu UKA2019-mi nassuiaammik saqqummiuseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Aamma ilanngunneqassaaq init ataasiakkaat ingerlanneqarnerannut aningaasartuutit piviusut aaqqissuussinerup qularnaartarnerai. Nassuiaammi aamma ilanngunneqassapput tigussaasut siunnersuutit innersuussinerillu Akileraartarnermut Atugarissaarnermullu Ataatsimiititaliap allaaserisai ineqarnermut tapiisarnermut tunngatillugu ataqatigiissaariniarnikkut ajornartorsiutaasartut ataatsimoortumik aaqqiiviginiarlugit.

(Inatsisartunut ilaasortaq Tillie Martinussen, Suleqatigiissitsisut)

Tunngavilersuut:

2017-mi Inatsisartut immikkoortuni assigiinngitsuni tapiissutit allanngortippaat aamma ineqarnermut tapiisarnikkut siunertaralugu ataqatigiissaarinikkut ajornartorsiutit millisarnissaat. Nuannerpoq innuttaasunut aningaasanik tunniussinermi aaqqissuussinerit naapertuutinngitsut iluarsiniarneqarmata. Tamannalu pimmat inuttaasut sanngiinnersaasa ikorfartorneqarnissaminut ikiorneqarnissaminnullu pisariaqartitsinerat immikkut sammiitigalugu.

Akileraartarnermut Atugarissaarnermullu Ataatsimiititaliaasimasoq is umaga naapertorlugu angisuumik sukumiisumillu suliaqarpoq politikikkut sulinitinni suli isumassarsiorfigineqarsinnaasumik. Ineqarnermut tunngatillugu ataatsimiititaliap

UKA 2018/82

J.nr. 01.25.01/18UKA-LABU-00082

aaqqissuussinikkut ajornartorsiutit arlallit ineqarnerup iluani tikkuarpai. Suleqatigiissitsisuni isumaqarpugut suliuartariaqartugu innuttaasunullu iluaquserniarlugit sammijuartariaqaripput inuiaqatigiinni aaqqissuussinikkut ajornartorsiutit iluarsiviginissaat.

Naak ineqarnerup iluani ataqatigiissaarinikkut ajornartorsiutit suliaralugit aallartinneqarnikuugaluartut isumaqarpunga pitsanngorsaaqqinnissamut inissaqartoq. Nassuiaasiornissamut atatillugu taamaattumik iluarsartuusseqqinnissamut periarfissat paasiniartariaqarput taamatullu suliniutit tigussaasut ingerlattariaqarlutik kiisalu ineqarnermut tapinik tunniussinermut atatillugu aaqqissuussinerit naapertuutinngitsut iluarsiniartariaqarput.

Taamaattumik aamma isumaqarpunga inissiaatitta ilaat nungullarsimasut ajornerulersimallutillu aamma taamaattumik sulii pisariaqarpasippoq sissuissallugu attartornermut akiliutit aserfallattaaneq iluarsaassinerlu eqqarsaatigalugit aningaasartuutivinnut tulluussarsimanissaat. Tassunga atatillugu ineqarnermut tapi sulii pingaaruteqarpoq eqqarsaatigalugu innuttaasut sanngiinnersaasa initaarsinnaasarnissaasa qularnaartarnissaat. Tassungali atatillugu pisortanit aningaasatigut iluaqutiswsarsivigineqarsinnaasut pissutigalugit akissarsiakinnerit sulinissaminnut tunuarsimaartannginnissaat sissuertariaqarpoq.

Suleqatigiissitsisuni neriuppugut nassuiaatip kissaatigisatta nalerassanik tikkuussinnaajumaaraatigut uangut politikerit politikkinngortissinnaasatsinnik

Pisortanut aningaasatigut allaffissornikkullu kingunerisassai:

Misissuinerup pitsaassusissaa imartunissaalu qularnaarumallugit kiisalu akuusut susa ssaqartut arlallit ilaatinnaat pillugu naatsorsuutigineqartariaqarpoq misissuinerup siviisuumik suliarinissaa. Nalilerneqarpoq tunngaviumik nalunaarusiornerup allaffissornertaata suliarinerani paasissutissarpasuit misissorneqartariaqassasut Taamaattumik taggineqarpoq nalunaarutip suliarinera 500.000 koruunit missaanni akeqarumaartoq. Tassa ilautilugit nassuiaatip nutsernissaanut atatillugu aningaasartuutit.

Namminersortunut aningaasaatigut allaffissornikkullu kingunerisassai:

Namminersorlutik Inuutissarsiortunut nalunaarut kinguneqanngilaq.

Innuttaasunut aningaasatigut allaffissornikkullu kingunerisassai:

Nalunaarut innuttaasunut kinguneqanngilaq.